

書名 杜氏通典二百卷 嘉靖十八年西樵方獻夫刊本  
 撰者 唐 杜佑 撰, 明 王德益、吳鵬 同校  
 卷 卷二百  
 內容分類 史-政書 歷代通制  
 索書號 貴重-17  
 編號 B3510400

# 卷二百



彩色首頁1

[東洋文化研究所漢籍目錄 編號: B3510400](#)

[東洋文化研究所漢籍目錄所藏漢籍善本全文影像資料庫 索書號: 貴重-17](#)

[漢籍善本全文影像資料庫文本杜氏通典二百卷 嘉靖十八年西樵方獻夫刊本](#)

版權所有: [東京大學](#) [東洋文化研究所](#)

[使用上的注意事項](#)

杜氏通典卷第二十五

職官七

諸卿上 總論諸卿

太常卿 丞奉禮郎主簿博士  
 太樂署 鼓吹署 兩京郊社署  
 太卜 廩犧 汾祠 太醫署

光祿卿 丞良醞署主簿掌醢署  
 太官署 珍羞署

衛尉卿 丞守宮署主簿武庫署  
 武器署 左右都候

宗正卿 丞諸陵署主簿崇玄署

太僕卿 丞典牧署主簿乘黃署  
 諸牧監 典廄署

大理卿 丞司直評事監獄丞

諸卿 附少卿

諸卿 附少卿

杜氏通典卷第一百九十九

杜氏通典卷第二百

邊防十六 北狄七

庫莫奚

契丹

室韋

地豆于

烏落侯

驅度寐

霄

拔悉彌

流鬼

迴紇

骨利幹

結骨

駃騠

鬼國

鹽漠念

庫莫奚

庫莫奚聞於後魏及後周其先東部鮮卑宇文之別

種也初為慕容晃所破遺落者竄匿松漠之間其地今

柳城郡其俗甚不繁而善射獵好為寇抄後魏之初

頗為寇盜及突厥興而臣屬之後稍強盛分為五部

一曰辱紇主二曰莫賀弗三曰契箇四曰木昆五曰

室得理饒樂水北即鮮卑故地一名如洛環水每部蓋饒樂之訛也

置侯斤一人為其師隨逐水草頗全突厥有阿會氏

五部中為盛諸部皆歸之其俗死者以草薄裹屍懸

之樹上其後款附至隋代號曰奚部落稱蕃人後亦

遣使入朝奚部落在今柳城郡東北二千餘里大唐開元五年二月奚

首領李大酺入朝封從外甥女辛氏為固安公主以

妻之八年大酺戮死共立其弟魯蘇為主詔仍以固

安公主為時魯蘇妻牙官塞默羯謀害魯蘇翻婦妻

突厥公主密知之遂設宴誘執而殺之上嘉其功賞

賜累萬公主嫡母妬主榮寵乃上書主是庶人此實

欺罔稱嫡請更以所生女嫁與魯蘇上怒令與魯蘇

離婚又封成安公主女嬌氏為東光公主以妻魯蘇

### 契丹

契丹之先與庫莫奚異種而同類並為慕容氏所破

俱竄於松漠之間其俗頗與靺鞨同父母死而悲哭

者為不壯但以其屍置於山樹之上經三年之後乃

收其骨而焚之因酌酒而祝曰冬月時向陽食夏月

時向陰食若我射獵時使我多得猪鹿其無禮頑嚚

於諸夷最盛後魏初大破之遂逃遼與庫莫奚分背

經數十年稍滋蔓有部落於和龍之北數百里和龍今柳

郡多為寇盜魏太武帝真君以來歲貢名馬於是東

北羣狄悉萬丹部阿大何部伏弗郁部羽陵部日連部匹黎部比六于部各以其名馬文皮入獻皆得交市於和龍密雲之間密雲今郡其後為突厥所逼又以萬家寄於高麗隋開皇末有別部四千餘家背突厥來降文帝方與突厥和重失遠人之情悉令給糧還本部勅突厥撫納之固辭不去部落漸眾遂北逐水草當遼西北二百里依迴紇臨水而居東西亘五百里南北三百里亦鮮卑故地分為十部多者二千少者千餘隨水草畜牧大唐貞觀二十二年十一月契丹師窟哥率其部內屬以契丹部為松漠都督府拜窟哥為持節十州諸軍事松漠都督於榮州兼置東夷

都護以統松漠饒樂之地罷護東夷校尉官武太后

萬歲通天元年五月窟哥曾孫松漠都督都護府屬

今柳李盡忠與其妻兄歸誠州刺史孫萬榮殺都督

趙文翹舉兵反陷榮州今柳自號可汗命左鷹揚將

軍曹仁師右金吾將軍張元遇右武威大將軍李多

祚司農少卿麻仁節等二十八將討之遇賊于西硤

石黃虜谷官軍敗績元遇仁節沒于賊李盡忠死孫

萬榮代領其眾攻陷冀州今信都刺史陸寶積死之又

陷瀛州屬縣今河又遣夏官尚書同鳳閣鸞臺三品

王孝傑與蘇宏暉率兵十八萬與孫萬榮戰于東硤

石官軍又大敗孝傑沒于陣宏暉棄甲而遁又命河

內王武懿宗爲大總管右肅政御史大夫婁師德爲副沙吒忠義爲前軍率兵二十萬以討之萬榮爲其家奴所殺其黨遂潰開元五年十一月封宗室女爲永樂公主出降契丹松漠王李失活十年閏五月初餘姚公主女慕容氏封爲燕郡公主出降松漠郡王李漠鬱于

### 室韋

室韋有五部後魏末通焉並在靺鞨之北路出柳城諸部不相總一所謂南室韋北室韋鉢室韋深末怛室韋大室韋並無君長人衆貧弱突厥沙鉢畧可汗常以吐屯潘控統領之蓋契丹之類也其南者爲契

丹在北者號室韋南室韋在契丹北二千里後魏書云自契

丹路經嚙水蓋犢子山其山周迴三百里又經屈利水始到其國土地卑濕至夏則

移回西貸勃又對二山多草木饒禽獸又多蚊蚋人

皆巢居以避其患後漸分爲二十五部有餘莫不滿

咄猶酋長也死則子弟代立之嗣絕則擇賢豪而立

之盤髮衣服與契丹同乘牛車遠蔭爲室如突厥氈

車之狀渡水則束薪爲柂或有以皮爲舟者馬則織

草爲韉結繩爲轡寢則屈木爲室以蘧蔭覆土移則

載行以猪皮爲蓆編木藉之氣候多寒田收甚薄無

羊少馬多猪牛造酒食噉言語與靺鞨同婚嫁之法

二家相許婚輒盜婦去然後送牛馬爲聘婦人不再

嫁以爲死人妻難以共居部落共爲大柵人死則置屍其上居喪三年其國無鐵取給於高麗自南室肅北行十一日至北室肅分爲九部落其部落渠帥號乞引莫賀咄氣候最寒冬則入山居穴中牛畜多凍死饒麋鹿射獵爲務鑿氷沒水中而網射魚鼈地多積雪懼陷坑穿騎木而行俗皆捕貂爲業冠以狐貉衣以魚皮又北行千里至鉢室肅依胡布山而住人衆多於北室肅不知爲幾部落用樺皮蓋屋其餘同北室肅從鉢室肅西四日行至深末怛室肅因水爲號也冬月穴居以避太陰之氣又西北數千里至大室肅逕路險阻言語不通尤多貂及青鼠北室肅後

魏武定隋開皇大業中並遣使朝獻大唐所聞有九部焉屢有朝貢所謂嶺西室肅北室肅黃頭室肅大如者室肅小如者室肅納婆高室肅達末室肅駱駝室肅並在柳城郡之東北近者三千五百里遠者六千二百里

### 地豆于

地豆于在室肅西千餘里多牛羊出名馬皮爲衣服無五穀唯食肉酪後魏孝文帝延興二年遣使朝貢

### 烏落侯

烏落侯亦曰烏羅渾國後魏通焉在地豆于之北其土下濕多霧氣而寒冬則穿地爲室夏則隨原阜多

豕有穀麥無大君長部落莫弗皆代爲之其俗繩髮衣服以珠爲飾人尚勇不爲姦竊故慢藏野積而無寇盜好獵射樂有胡空侯木槽革面而九絃其國西北有貌水東流合于難水東入于海又西北二十日行有于巴尼大水所謂北海也太武帝真君四年來朝稱其國西北有魏先帝舊墟石室南北九十步東西十四步高七十尺室有神靈人多祈請太武帝遣中書侍郎李敞告祭焉刻祝文於石室之北而還大  
唐貞觀六年遣使朝貢云烏羅渾國亦謂之烏護乃言訛也東與靺鞨南與契丹北與烏丸爲鄰風俗與靺鞨同

驅度寐

驅度寐隋時聞焉在室常之北其人甚長而衣短不索髮皆裹頭居土窟中唯有猪更無諸畜人輕捷一跳三丈餘又能立浮卧浮履水沒腰與陸走不別數乘大船至北常抄掠無甲冑以石爲矢鏃

靺鞨

靺鞨匈奴之別種隋時通焉於靺鞨爲鄰里黃水北亦鮮卑故地勝兵萬餘人習俗與突厥畧同亦臣于頡利其渠帥號爲侯斤大唐貞觀中遣渠帥內附

拔悉彌

拔悉彌一名弊刺國隋時聞焉在北庭北海南結骨

東南依山散居去燉煌九千餘里有渠帥無王號戶  
三千餘其人雄健能射獵國多雪恒以木爲馬雪上  
逐鹿其狀似楯而頭高其下以馬皮順毛衣之令毛  
着雪而滑如着屨屨縛之足下屨先叶反若下阪走  
過奔鹿若平地履雪即以杖刺地而走如船焉上阪  
卽手持之而登每獵得鹿將家室就而食之盡更移  
處其所居卽以樺皮爲舍丈夫剪髮樺皮爲帽

### 流鬼

流鬼在北海之北北至夜叉國餘三百皆抵大海南  
去莫設靺鞨船行十五日無城郭依海島散居掘地  
深數尺兩邊斜豎木構爲屋人皆皮服又狗毛雜毛

爲布而衣之婦人冬衣豕鹿皮夏衣魚皮制與徠同  
多沮澤有鹽魚之利地氣沍寒早霜雪每堅冰之後  
以木廣六寸長七尺施系其上以踐層冰逐及奔獸  
俗多徇勝兵萬餘人無相敬之禮官僚之法不識四  
時節序有他盜入境乃相呼召弓長四尺餘箭與中  
國同以骨石爲鏃樂有歌舞死解封樹哭之三年無  
餘服制靺鞨有乘海至其國貿易陳國家之盛業於  
是其君長孟犇遣其子可也余志以唐貞觀十四年  
三譯而來朝貢初至靺鞨不解乘馬上卽顛墜其長  
老人傳言其國北一月行有夜叉人皆豕牙翹出嗽  
人莫有涉其界未常通聘



迴紇

迴紇在薛延陀之北境居延婆陵水去長安萬六千九百里勝兵五萬人先屬突厥初時有健俟斤死子菩薩立大唐貞觀初與薛延陀俱叛突厥頡利可汗侵其北邊頡利遣騎討之戰于天山大破之俘其部衆迴紇由是率其衆附於薛延陀號為活頡利發仍遣使朝貢其地沙鹵有大羊而足長五寸及薛延陀之敗其大會胡祿俟利發吐迷度率其部詣闕請同編戶自突厥衰滅其國漸盛國主亦號可汗開元十五年使大臣梅祿嚟來朝獻名馬焉按諸家叙突厥事以梅祿為突厥官號尚為突厥見存乃未之詳耳

骨利幹

骨利幹居迴紇北方瀚海之北二俟斤同居勝兵四千五百人草多百合地出名馬頭類橐駝筋骨麁壯好者日行數百里其地北距大海晝長夜短日沒後天色正曛煮一羊脾繞熟而東方已曙蓋近日入之所大唐貞觀二十一年遣使朝獻駿馬十疋

結骨

結骨在迴紇西北三千里勝兵八萬其國南阻貪漫山多林木夏沮洳上浴據反下人庶反冬積雪往來險阻有水從迴紇北流踰山逕其人並依山而居身悉長大赤色朱髮綠睛有黑髮者以為不祥人皆勁勇鄰國憚

之丈夫健者悉黥手以爲異婦人嫁訖自耳目以下  
至項亦黥之其人服飾以貂豹反女滑食用手其俗大  
率與突厥同婚姻無財聘性多淫佚與外人通者不  
忌男女雜處每一姓或千口五百口共一屋一床一  
被若死唯哭三聲不務面火葬收其骨踰年而爲墳  
墓以木爲室覆以木皮土宜粟麥稌豆之屬無果菜  
有馬出貂天每雨鐵收而用之號曰迦沙以爲刀劍  
甚銛利其國獵獸皆乘木升降山陞追赴若飛自古  
未嘗通中國大唐貞觀二十一年其君長遂身入朝

### 駃馬

駃馬其地近北海去京萬四千里經突厥大部落五

所乃至焉有兵三萬人馬二十萬足其國以俟斤統  
領與突厥不殊有弓箭刀稍傍排無宿衛隊仗不行  
賞賜其土境東西一月行南北五十日行土地嚴寒  
每冬積雪樹木不沒者纔一二尺至暖消逐陽坡浦波

反以馬及人挽犁種五穀好漁獵取魚鹿獺貂鼠等

肉充食以其皮爲衣少鐵器用陶瓦釜及樺皮根爲  
盤盃隨水草居止累木如井欄樺皮蓋以爲屋土床  
草蓐加氈而寢處之草盡即移居無定所馬色並駃  
故以各云其馬不乘但取其乳酪充食而已與結骨  
數相侵伐貌類結骨而言語不相通大唐永徽中遣

使朝貢

突厥謂駃馬爲局刺亦名局刺國

鬼國

鬼國在駁馬國西六十日行其國夜遊晝隱身着渾  
剥鹿皮衣服鼻耳與中國人同口在頂上食用瓦器  
土無米粟噉鹿皮及蛇駁馬國南三十日行至突騎  
施二十日行至

鹽漠念

鹽漠念咄六闕俟斤部落又北八日行至可史檐部  
落其駁馬鹽漠並無牛羊雜畜其婚姻嫁娶與突厥  
同土多松樺樹每年稅貂獺青白二鼠皮以奉酋長  
○貞觀中戶部奏言中國人自塞外來歸及突厥前  
後降附開四夷爲州縣者男女二十餘萬口時諸蕃

君長詣闕稽顙請太宗爲天可汗制曰我爲大唐天  
子又下行可汗事平羣臣及諸蕃咸稱萬歲是後以  
璽書賜西域北荒之君長皆稱皇帝天可汗諸蕃渠  
帥死亡者必詔再立其後嗣焉臨統四夷自此始也  
傅奕曰西晉時匈奴諸部在太原離石其酋劉元海  
覆兩都執天子自是戎夷赫連氏沮渠氏李氏石氏  
慕容氏佛氏秃髮氏拓跋氏宇文氏高氏符氏呂氏  
姚氏翟氏被髮左衽遁據中壤衣冠殄盡周齊每以  
騎戰驅夏人爲肉籬丑亞反曰當剉漢徇飼馬刀刈  
漢徇頭不可刈草也羗胡異類寓居中夏禍福相恤  
中原之人衆心不齊故夷狄少而強華人衆而弱也

石季龍死羯胡大亂冉閔令胡人不願留者聽去或有留者乃誅之死者二十餘萬氏羗分散各還本部至數萬故符姚氏與鮮卑既入中國而蠕蠕據其土後魏時蠕蠕主阿那瓌大餒求糧於魏魏帝使元季賑恤之既飽遂寇暴及蠕蠕衰而突厥興自劉石至後周皆北狄種類相與婚姻高氏聘蠕蠕女爲妻宇文氏以突厥女爲后北齊供突厥歲十萬匹周氏傾國事之錦衣王食在長安者恒數千人可汗驕曰但使我在南二兒無恙貧何憂哉周齊使於突厥遇其喪務固如其國臣其爲夷狄所屈辱也如是天冊萬歲二年補闕薛謙光上疏曰臣聞戎夏不雜自古所

誠夷狄無信易動難安故斥居塞外不遷中國前史所稱其來久矣然而帝德廣被時有朝謁受向化之誠請納梯山之禮貢事畢則歸其父母之國導以指南之車此三王之盛典也自漢魏以後遂革其風務飾虛名徵求侍子喻其解辨使襲衣冠居室京師不令歸國此又中葉之故事也較其利害則三王是而漢魏非論其得失則備邊長而徵質短殷鑒在乎往代豈可不懷經遠之慮哉昔郭欽獻策於武皇江統納諫於惠主咸以爲夷狄處中夏必爲變晉武不納二臣之遠策徒好慕化之虛名縱其習漢史等書官之以五部都尉此皆計之失也若前事之不忘則後

代之龜鏡此臣所以極言而不隱者也竊唯突厥吐蕃契丹等往因入貢並叨殊獎或執戟丹墀冊名戎秩或曳裾庠序高步學門服胡氊裘語兼中夏明習漢法覩衣冠之儀目覩朝章知經國之要窺成敗於圖史察安危於古今識邊塞之盈虛知山川之險易或委以經畧之功令其展効或矜其首丘之志放使歸蕃於國家雖有冠帶之名在夷狄廣其縱橫之志雖則慕化之美苟悅於當時而狼子狐思旋生於過後及歸部落鮮不稱兵邊鄙罹災實由於此故老子云國之利器不可以示人在于齊人猶不可以示之况於夷狄乎謹按楚申公巫臣奔晉而使其子狐庸

為吳行人教吳戰陣使之叛楚吳於是伐楚取巢駕克棘入州來子反一歲七奔命其所以能謀楚良以此也按漢桓帝遷五部匈奴於汾晉其後卒有劉石之難向使五部不從則晉祚猶未可量也鮮卑不遷則慕容無中原之僭又按漢史書陳湯云夫胡兵五而當漢兵一何者兵刃朴鈍弓弩不利今聞頗得漢工然猶三而當一由是言之利兵尚不可使胡人得法况處之中國而使其習見哉昔漢東平王請太史公書朝臣以為太史公書有戰國縱橫之說不可以與諸侯此則內地諸王尚不可與况外國乎臣竊計秦并天下及劉項之際累載用兵人戶凋散以晉惠方之

當八王之喪師則輕於楚漢之塗地匈奴冒頓之全  
實過於五部之微弱當曩時冒頓之強盛乘中國虛  
弊高祖餒厄平城而冒頓不能入中國者何也非兵  
不足以侵諸夏力不足以破汾晉其所以解圍而縱  
高祖者爲不習中土之風不安中國之美生長積漠  
之北以穹廬堅於城邑以氊芻美於章紱旣安其所  
習而樂其所生是以無窺中國之心者爲生不在漢  
故也豈有心不樂漢而欲深入者乎劉元海五部離  
散之餘而卒能自振於中國者爲少居內地明習漢  
法非元海悅漢而漢亦悅之一朝背叛四方響應遂  
鄙單于之號竊帝王之寶賤沙漠而不居擁平陽而

鼎峙者爲居漢故也何使元海不內徙止當劫邊人  
繪綵麵蕖以歸陰山之北安能使王彌崔懿爲其用  
邪當今皇風遐覃令識革面凡在虺性莫不懷馴方  
使由余効忠日殫盡節以臣愚者國家方傳無窮之  
祚於後脫備防不謹邊臣失圖則夷狄稱兵不在方  
外非所以肥中國削四夷經營萬葉之規貽厥孫謀  
之道也臣愚以爲願充侍子者一皆禁絕必若先在  
中國者亦不可便使歸蕃則夷人保疆邊邑無事矣  
劉起居貺武指曰自昔議邊者推高於嚴左班固嚴  
尤議曰御匈奴自古無得上策者周時獫狁內侵命  
將征之盡境而還壁蚊蟻螫人驅之而已是爲中策

漢武輕賚深入連兵三十年中國罷耗匈奴亦尅是  
爲下策秦築長城勤於轉輸疆境完而中國竭是爲  
無策自古無得其上策者也其班固曰言匈奴者大  
要歸於兩科縉紳則守和親介冑則言征伐漢興以  
來有修文以和之有用武以尅之有卑下而承事之  
有威服而臣畜之和親之論發於劉敬天下新定故  
從其言賂遺以救安邊境孝惠高后遵而不違匈奴  
加驕寇盜不止與通關市妻以漢女歲賂千金無益  
之明驗也仲舒欲復守舊戛厚結以財質愛子邊境  
不選武畧之臣修障障備塞之具厲長戟勁弩恃吾  
所以待寇而務賦歛於人遠行貨賂割剝百姓以奉

寇雙言甘言守空約而冀胡馬不窺不亦過乎王莽  
時單于棄其愛子昧利不顧侵掠所獲歲巨萬而和  
親賂遺又過千金安在其不棄質而失重利也夷狄  
之人貪而好利人面獸心聖王禽獸畜之不與約誓  
不就攻伐約之則費賂而見欺攻之則勞師而招寇  
外而不內踈而不親政教不及其人正朔不加其國  
來則懲而禦之去則備而守之慕義則接之以禮讓  
使曲在彼蓋聖王禦蠻夷之常道也貺以嚴充之議  
辨而未詳班固之論詳而未盡推而爲言周得上策  
秦得其中漢無策焉何以言之荒服之外聲教所遠  
其叛也不爲之勞師其降也不爲之釋備嚴其守禦

險其走集犯塞則有執訊之捷深入則有殪戎之勳  
俾其欲爲寇而不能願臣妾而不得斯禦戎之上策  
禁暴之良筭惠此中夏以綏四方周人之道也既故  
曰周得上策易稱王侯設險以固其國築長城修障  
塞易之設險也今朔塞之上多古長城未知起自何  
代七國分爭國有長城趙簡子起長城以備胡燕秦  
亦築長城以限中外則長城之作其來遠矣秦兼天  
下益理城塹城全國滅人歸咎焉自漢至隋因其成  
業或脩或築無代無之後魏時築長城議曰虜騎輕  
捷風來電往塹壁未遑閉牛羊不暇收雷擊至於近  
郊雲飛出于塞表不得不立長城以備之人築一步

千里之城役三十萬人不有旬朔之勞安獲父長之  
逸始皇斥中國之戎出諸塞表匈奴不敢南下而牧  
馬戰士不敢彎弓而報怨既故曰秦得中策史稱劉  
敬說高祖以魯元公主嫁匈奴嗣王則漢之外孫豈  
敢與大父爭哉假立宗女匈奴不信無益也帝欲遣  
魯元后泣諫曰帝唯一女柰何棄之匈奴乎由是遣  
宗女行又按魯元公主則趙王張敖之后也人告趙  
王反呂后言趙王以公主故不宜有此高祖曰使張  
敖有天下豈少乃女乎高祖審魯元不能止趙王之  
謀而謂能息匈奴之叛邪假有欲遣之辭固戲言耳  
且冒頓手刃頭曼躬射其母而冀其不與外祖爭強



豈不惑哉然則高祖之和親不能久安而爲之者以天下初定苟紆歲月之禍以息兆人之勤耳而天姿豁達不矜智能沉謀內斷衆莫之識武帝時中國康寧胡寇益鮮踈而絕之此其時也方更糜耗華夏連兵積年嚴尤以爲下策可矣而漢之失策非止用兵至于昭宣武士練習斥候精審胡人則覆亡居又畏逼收迹遠徙窮窟海陰朝廷不遵宗周之故事乃襲奉春之過舉啓寵納侮傾竭府藏給西北方無慮歲二億七十萬賞賜之費傳送之勞尚不計焉臯室淑女嬪於穹廬掖庭良人降於沙漠夫貢子女方物臣僕之職也詩曰莫敢不來享莫敢不來王傳稱荒服

者來王此皆稱其來不言當往也杞用夷禮經貶其爵公及吳盟諱而不書奈何以天子之尊與匈奴約爲兄弟帝女之號與胡媼並爲戎妻媼鳥反烝母報子從其汚俗中國之異於蠻夷者以有父子男女之別也若乃位配天地職調陰陽不能革聾昧之性使漸習華風反令婉冶之姿毀節異類其爲垢辱可勝道哉漢之君臣常莫之耻東漢至曹馬招來羗狄內之塞垣資奉所費有踰於昔百人之會千口之長金印紫綬食玉侯之俸者相半於朝牧馬之童乘羊之隸齋毛毳毳之資邀綾紈之利者相錯於路九州五服耒耨之所利絲枲之所生方三千里植於三千里之中

散於數萬里之外人焉得不勞國焉得不貧胡夷歲  
驕華夏日蹙當其強也又竭人力以征之其服也又  
如是以養之病則受養強則內攻嗚呼中國爲羗胡  
服役且千載而莫之恤可不大悲哉爲政者誠能移  
其財以賞戍卒則我人富矣移其爵以餌守臣則我  
將良矣富利歸於我危亡移於彼無納女之辱無傳  
送之勞此之不爲而棄同卽異與頑用噐以夷亂華  
以裔謀夏變上國之風俗汨中和之正氣旣故曰漢  
無策焉嚴尤深以古無上策者爲不能臣妾也聖王  
誠能之而不用耳稱秦氏無策者謂其攘狄而亡國  
也秦亡之咎非攘狄也稱漢氏得下策者謂伐胡而

人病人旣病矣又役人而奉之是無策也旣故曰嚴  
尤之議辨而未詳者也班固之論頗究其情而曰其  
來慕義接以禮讓使曲在彼是未盡也何者禮讓以  
交君子不以接小人况於禽獸夷狄乎夫竒貨內來  
則華夏之情蕩繼麗外散則戎羯之心生華夏情蕩  
出兵之源也戎羯心生侵盜之本也聖人唯此之慎  
不貴竒貨不寶遠物禽獸非其土性不育器服非其  
所產不御豈唯贄幣不通哉至於飲食聲樂不與其  
之故夷狄來朝坐之門外使舌人體委以食之若禽  
獸然不使知馨香嘉味也獲其聲不列於庭廟受其  
貢不過楛矢獸皮不爲贄幣不爲財貨利旣小矣酬

亦宜然漢氏習玩驕虜使悅燕趙之名倡雅質甘太  
官之八珍六齊使五都之文綺羅紈供之則長欲而  
增求絕之則滅德而招怨加以斥候不明士卒不習  
是由飽豺狼以良肉而縱其獵噬疲人求其禍源接  
以禮讓之所致也故通貢獻則去錦績而得毛革討  
負約則獲犬馬而喪士人許和親則毀禮義而順戎  
俗張騫使西域得摩訶勒曲漢武採之以爲鼓吹  
東漢魏晉樂則胡笛箏篥御則胡牀食則羗炙貊炙  
器則蠻盤祠則胡天晉末五胡遞居中夏豈無天道  
亦人事使之然也華人步卒也利險阻虜人騎兵也  
利平地彼利馳突我則堅守無與追奔無與競逐來

則杜險使無進去則閉險使無還衝以長戰臨以難  
擊非求勝之也創之而已措彼頑凶責之度外譬諸  
蟲豸方乎虺蜴如是何禮讓之接何曲直之爭哉既  
故曰班固之論詳而未盡者四夷之猾夏尚矣明達  
之士論備邊之要無代無之國朝有房司空上書諫  
伐高麗云比來犯罪死囚每令三覆重惜人命至此  
而億萬吏卒無一罪戾委之鋒刃實爲冤酷薛補闕  
上書諫諸蕃侍子久在京師恐其知邊塞盈虛險易  
悅華夏服翫聲色或窺圖史兼達古今如有劉元海  
之徒終成大愆劉起居武指云秦逐夷狄出塞限隔  
華夷是爲中策三賢所陳可謂篤論言詳理切度越

前古斯仰歎不暇豈敢繁述耳

杜氏通典卷第二百終

分理官員師生姓氏

提調官

廣州府同知程鐸

高州府通判楊華

廣州府南海縣知縣周菴

監刻官

廣州府儒學教授高寶

南雄府儒學教授王朝賓

瓊州府萬州陵水縣儒學教諭張宿

廣州府順德縣儒學教諭王時中

韶州府曲江縣儒學教諭秦志道